

Miembro di seguridad dilanti Hues pa abusa di diferente mucha

ORANJESTAD (AAN) – E homber F. un miembro di seguridad di CEA mester presenta mayan dilanti Hues pa duna cuenta pa e delitonan serio cu ta sospech'e di dje. Na Januari 2019 el a presenta dilanti Hues pero e caso ta-

bata pro forma. Fiscal ta sospecha F. di a abusa di muchanan menor di edad.

ABUSO SEXUAL

E acusacionnan cu Fiscal lo presenta den Corte contra F. ta:

- Den e periodo di

16 di Mei 2011 te 15 Mei 2013, e lo a abusa di un mucha cu ainda no tabatin 12 aña.-

Den e periodo di 26 di Mei 2010 te 25 April 2015, e lo a abusa di un mucha cu ainda no tabatin 16 aña.

E acusacionnan di Fiscal ta muestra cu durante 5 aña largo, e sospechoso F. tabata abusa di muchanan menor di edad.

Na Januari 2019, abogado mr. Zara a pidi Hues pa laga e sospechoso liber pendiente di e caso. E abogado ta haya cu tur informacion ta procedente di e mesun fuente. Ademá e caso ta data di hopi tempo y e sospechoso no ta corda mucho bon pasobra e no ta abusa di mucha. E ta haya



cu aki ta riba contamento a haci denuncia pero no tin ningun prueba.

Fiscal a reacciona cu tin motibo di peso. Fiscal ta haya cu tin prueba di sosten a base di declaracion di testigonan cu a mira actitud riparabel di e muchanan. El a pidi pa rechaza

peticion di abogado.

Hues a rechaza e peticion di abogado mr. Zara. E ta haya tin motibo di peso. A keda palabra cu mayan e tratamiento ta tuma lugar. DIARIO lo informa lectornan kico tur a sosode den sala di Corte di Husticia di Aruba.